東

華

續

錄

道光十二	起五年正月盡六月	道光十一	起四年七月盡十二月	道光十	起四年正月盡六月	道光九	起三年七月盡十二月	道光八	起三年正月盡六月	道光七	起二年七月盤十二月	THE PARTY OF THE P

東華資飯・日本	起八年正月盡六月	道光十七	起七年七月盡十二月	道光十六	起七年正月盡六月	道光十五	起六年七月盡十二月	道光十四	起六年正月盡六月	道光十三	超五年七月盡十二月

道光二十四	起十一年正月畫六月	道光二十三	起十年七月畫十二月	道光二十二	起十年正月畫六月	道光二十一	起九年七月盡十二月	道光二十	起九年正月盡六月	道光十九	起八年七月盡十二月

・ ・ ・ ・ ・ ・ ・ ・ ・ ・ ・ ・ ・ ・	超十三年七月盐十二月超十三年正月盐六月	道光二十七	超十二年正月盡六月 超十二年正月盡六月 超十一年七月盐十二月
--	---------------------	-------	--------------------------------

|--|

東華資策	道光四十一 / 起十九年七月盡十二月	道光四十 起十九年正月 <u>盡</u> 六月	三十九 二月 二十八年七月盡十二月	道光三十八年正月盡六月	二十七七

良主真绿 道光五十四 道光五十三 道光五十二 道光五十一起二十四年七月盡十二月 道光五十 道光四十九 起二 起二十五年七月盡十二月 起二十六年正月盡六月 起二十四年正月盡六月 一十五年正月盡六月 > 主美 七月畫十二

道光五十六 超二十八年七月盡十二月 超二十八年七月盡十二月 超二十八年正月盡十二月 超光五十九 超二十九年正月盡十二月	超二十六年七月盡六月 超二十六年七月盡十二月 五
--	--------------------------

東華績銖			起
日鉄			起三十年正月盡是月丁未
			是月丁未
*			

東華續錄 圍威遜格爾引弓獲鹿喜動 聖業益精 討萬 來與禮部方 詩堯年避暑奉 承風先後 壬寅八月 府大臣副都統追封承恩公和爾經額之 侍學經史融貫奎藻日新迨學問已成猶復時數 隆华玉理珠衡自六龄就傅維 神武智勇天錫乾 **道光** 初十日寅時誕 即任廷珍翰林院侍讀學士 慈甯樺室安居聰敬聽老我策聽尙武服幼 一子也 毋孝淑睿皇后喜塔臘氏 一於擷芳殿中 臣周嗣 臣 一徐頲朝夕講 高宗純皇 龍齊便遲 修秦承業檢 道光 御

游踊逾恒 遊承建 由是 皇后越甲申 仁宗奉 矣嘉慶元年丙辰冬十一月乙丑 賜成大婚禮是商又云 家法永遊縣奕葉承 天恩贶慎儀刑則第一二歲時木蘭從獨初圍得熊 上則初圍得鹿年 使歸面稽 列聖寅承對越胥萬 深心壽皇展拜則 命隨行 裕陵敷土則建 家法 親書 上名緘藏鐍匣默體建 家法 親書 上名緘藏鐍匣默體 上孺慕銜哀屢形章句數十年如一日焉。 - 高宗幸中所進膳 丁巳春當 孝椒睿皇后大事悲深罔極寅承對越胥萬 深心 上天性純孝島命隨行 裕陵敷土則 命恭代隱然以上名絨藏鐍匣默體 先志慎簡元良 天恩貺慎儀刑則期勛之意 則初圍得鹿年甫· 、四月初十日 上捧觴上 先志慎簡元 也

年癸酉九月因陰雨減圍 密定儲貳後 **春肄武則有南苑習圍之 始禮是為** 命座罩用金黄色等威區別垂為令典是年十二月復 王兇代行靈承景福十三年戊辰正月乃交 心傳若揭至於 郊 垃之所 不揚聖武立平大難借 一日午刻子臣等在晝房開各處太監關門總管常永貴等 孝慎成皇后舊制舉行獨典 為無事而同至儲秀官給 爾至屏窺測杜猜 命以及 **皇三子縣愷飛章** 上先期還京而逆匪犯關之變作 **坦之所報** 經筵聽講紫閣程材乃 孝穆成皇后升遐 皇子扈蹕木萬十八 陵 行在奏言本 廟之薦享時復 賜成大

逐封 帶領官兵進內子臣屬令將內膳房按捕復得賊二 正等並九公主仰賴 **長街西廠一** 侍衞在儲秀宮東長街以防不然子臣 外膳房房上 宗旋蹕白僩行宮中途得奏 爲智親王增俸萬一 一帶訪查縣志奕紹成親王 皇母放心切屬了臣三弟不許稍離左右子臣至 花 ル惟時外兵未 西大牆欲向北 聞有警自 皇父威福均皆平安伏 一千號所御槍日威烈 批答云欣慰覧之即有恩 一儀親王內務府大臣先後 皇母同貴妃等位及子 賊手執白族似有 養心門對面 人並派語達 聖心寬慰時

アルル

後愈思愈恐所有 沖不自滿假謝 賞今皇子能如此忠勇自效豈容矟靳恩施此大公之心內外諸 臣當共知感知奮也 在宮身先捍衛保護安全實屬忠孝兼備朕於在廷臣工有功必 可嘉之處筆不能宣宮廷內地奉有 [論忠孝二字子臣之所當然至矣哉有大能謙不矜不伐 華順路 一物略不關懷定省餘閒日與詩書相砥礪 祖 歌頌或賡和 皇父 道化 恩奏言事在倉卒又無禦賊之人勢不由己 恩綸獎諭之處子臣有何謀何勇實不敢當 上旣戡飢禁中功在 **大膽無奈詞語** 皇母鴻滬卻賊無事子臣年幼無知於事 八之量亦复越弱常矣 謹飭殊覺 旭 考神御 **社**稷而 過當狀垂淚 上宅心澹定 皇后見亦

法物俾知 四筬以自勵臨御後移 王之學備焉 局宗密建隆恩即繼以承 **下臣庶以無疆之 聖學欽承用誌終身之慕如此**二 祖武之意蓋誕膺多祜 宗疾大漸召御前上 御討賜 締造維艱守成匪易復 三陵、 **心麒麟炳炳極宇宙之大觀養正書屋者** 上祗奉 福也〇 上圍居之額也)嘉慶二 一随扈行在額 璇題於寢殿 上隨侍行禮瞻仰 **諦身體力行著主敬存誠勤學攺過** 先猷而啓後嗣殆微示付託得八克 一十五年庚辰秋七月戊寅 一十三年戊寅 聖相承用能寅紹丕基 勉以育德 御製大禮慶成記首 前言敬繹顧誤弗忘蓋 太祖 仁宗東巡盛 示以聖功帝 太宗所藏

能安速著留京王大臣即備妥速車輛豫備乘坐以便剋期起 **飭令晝夜行走能早一刻務趕緊一刻即將幫蓋底拆開用寶包** 巡幸凝陽邁焉 儲備者著留京王大臣內務府大臣即派委安員設法運送前去 世國藏之器此閒並無合制良材胀心益覺難安京城原有豫為 **曠東直房為倚廬席地寢苫毎日哭奠盡宴○** 東華續錄 皇考大行皇帝臨御天下二十五年 **拼踊無算恭視小殮畢號 અ俟到此閉再行合成均無不可總以迅速為要萬勿刻遲再朕** |弟俱應速來叩謁 均元盧薩博文学總管內務府 御書立 ₹道七一 龍馭上賓朕搶地呼天攀號莫及 太子 几筵著合其乘車前來但青車恐不 **一小地良久方起〇庚辰** 丁戌刻 深仁厚澤普洽寰區今 臣禧恩和世泰公 仁宗崩 梓宮為萬

均即在京祗候恭接 留京王大臣等奏本日卯刻突開 儀親王成親王有應行陳善納諦之處當啓牖朕衷毋有所隱 備該督受 皇帝大事必背逾情悲感但俱巳年高勉加節抑不必遠道來迎 产已尊奉)

諭軍機士 記之重跪求節哀批才疏德薄哀懼日增 梓宮囘京沿途 口興言及此五內如焚又奏 皇考大行皇帝龍馭上賓朕搶地呼天攀號莫及即日恭 皇考深恩務盡心妥辦萬不可草率遙誤是爲至要 大臣等儀親王成親王皆朕之伯恭聞 母后為)晉封惇郡王縣愷為惇親王封縣愉爲惠郡 **蘆殿並橋梁道路著方受鴨即速豫為籌** 梓官再朕初承大統古塊之際智慮煩瞀 皇太后〇)命御前侍衞吉倫泰馳驛囘 皇上至孝性成受 大行皇帝龍馭上賓慘慟 聖恩深厚甚 皇考大行

期迅速 來兢兢業業無日不以天下國家爲念今哀遭 本年舉行秋獮大典 年間備用枏木 同看批想必慟絕矣 大皇次 賓驚聞之下悲慟搶 並將 付 下答天下臣民之望批县敢當此又 神器俯育寰區至聖王仁憂勤惕厲於茲二十有五 託之重 訓朕之至願也及奏保攝 梓宮內應用各件俱已檢齊恭濟赴圍與惇郡王五 子智親王仁孝聰睿英武端醇見隨行在自當上 梓宮外槨包妥於本日午刻自京起程批辦理 梓宮一 駐蹕避暑山莊突於二十五日戌刻 一癸未奉 呼攀號莫及近思 一分向係拆散收貯便於包裹行走 輔弼藐躬勉 皇太后懿旨我 聖躬上慰 、奏查得內務府有 求治道 行皇帝御極以 升退嗣位尤為 大 同心 行皇帝 年

皇帝成命以 豫王戌刻大漸子臣寢驚哀慟五中摧裂昏迷失據維時御前十 即正尊位以慰 匣所藏 臣等固請不巳本日恭奉 臣軍機大臣內務府大臣恭啓鐍匣有 秉性謙冲素所深知為特降懿旨傳諭留京王大臣馳寄皇次子 付託撫馭黎元但恐倉卒之中 **疏神器至重實深愧懼惟有勉力圖冶以期 仰副** 月初十日卯初立皇太子硃諭 懿旨馆感靡極恭摺覆 恩慈深厚子臣伏地叩頭威惊不能言粉惟是子臣德薄才 皇父硃諭恭呈懿覽謹繕揖殬 罗 道光 大行皇帝在天之靈以順天下臣民之望 社為重繼承大統子臣遜襲至再至三該上 懿旨命子臣即正尊位 奏本月二十五日 紙該大臣等合詞請遵 大行皇帝未及明諭而皇次子 皇父御書嘉慶四年 皇父聖躬不 慈思伏祈 恩茲深厚鍋 皇父

还随扈 一倍臣
前
勝
告
哀
貢
方
物
c 有血氣者悲哀威戀問非出於至誠况朕之受 常者乎欽奉 所難安惟有恪遵古制敬行三年之喪庶幾稍盡哀慕之忱於 皇考臨御二 月甲申朔辰刻 天下臣民仍照定例行 一素慰 皇考大行皇帝勒育深恩昊天罔極本年 聖慮薄海臣黎仰荷 聖躬乃遗疾三日遂至大慚搶地呼天追擊莫及敬 皇太后並應 一十五年蕩平寇亂綏靖兆民胥旰勤勞曾無 新し 皇考遺詔喪服仍依舊制二 大行皇帝大殓奉安 一丙戌諭方受疇飭知承辦橋道各州 茲躬過哀另摺請)越南國王阮福昳卒嗣子阮福蛟 仁帡共享昇平之漏今猝遭大 **体官於潛泊敬誠殿** 一十七日而除朕心 巡幸機陽朕沿 恩深重萬倍 乙酉輸胀

道成式遵焉 典不可易也我 紀散於有位文勵厥職武詰爾戎於是西南三省逋誅之寇悉就躬聆 皇祖訓政三年孝敬肫誠史冊罕親洎乎 親政整飭綱 削以厚民生 明年錢糧〇 旦古所無 **澇平萬里鯨波氛翳奄熄數年之閒海宇乂安我國家幅員** 不可藉名 緬边 壇 惠愛黎元蠲除賬貨靡有數計拯救河患屢舉大工 前猷 皇考撫綏中外兢兢業業敬 科派界民〇 廟大祀舉必 丁亥諭伊古神聖之君厥有顯號鳩稱光昭萬世鉅 披覽章奏 **粒位之初首杜貢獻崇與掅廉用俾驅更無致股** アルガ 皇考大行皇帝御宇二十五年自初元 六聖實錄晨與釋誦啟無虛日用人)免直隸承德府屬及經過宛平等五 召見臣工盛暑祁寒數十年未嘗 躬親嚴謁 橋山終身孺慕陪都再 天法 祉 勤政

當隆教養以崇本務任賢能以端治原此皆我 道綜文武統千聖而邁百王者也予以貌躬仰承 典禮具奏〇 東華續錄 備尊親之典敬循禮制恭上 大下臣民所共見共聞者也至於 卻羣臣以日易月之請○ 已獨之懷恒孜孜焉若恐後時 躬親肄武修明戎備赫聲罹鹽不啓邊功四裔護服此又 一除鷹以安億兆欽恤庶獄明慎不留斟酌刑章寬嚴必 皇考功德之隆巍巍蕩翦莫罄名言宜稽徽美之稱用) 戊子頒)辛卯諭本日熱河總管祚紹嵩年呈進食物當即 《 道光 一 大行皇帝遺詔)以河南儀封谩口准淮商捐銀 尊諡 削酶宗室 聖學淵深大文炳煥發揮道 廟號著大學士九卿詳察)己丑命議行三年之喪 皇考實心實政 **誥誠八旗敒** 遺命寅奉不 百萬

宗憲皇帝 奉移 年之後再候諭旨〇 鹽政職造關差等一應貢獻縣行停止即食品亦不准進呈俟三 例相率入貢朕方在諒陰之中食處皆所不安著通諭各省督撫 星妣尊諡後派造 孝儀純皇后神牌於西龕之西朕祗循 切派員奉移各事宜著該衙門敬謹豫備其圓明圍 一年恭奉 聖祖七皇帝 孝儀純皇后神牌奉移於西龕之東俟恭上 孝聖憲皇后神牌於西蘇之東恭奉 皇祖敕旨毎代遞遷四年 孝聖憲皇后神牌奉移)壬辰諭養心殿佛堂供奉 神牌涓吉供奉於西龕之西用昭妥侑所有 孝恭仁皇后神牌於 皇考大行皇帝欽遵 成法不敢有踰應請 寄皇殿敬講 壽皇殿奉移 考 高宗純皇帝 皇考

三未遂 諭朕受 復以本朝服制定儀合詞奏請覽奏愈增泉慟敬思雍正十三年 所請恭遇 皇祖大喪 世宗憲皇帝大喪 端昨據王大臣等請依舊制以日易月業經降旨明白 經藉申哀悃非以持服三年遂為盡孝也今王大臣等 皇考大行皇帝深恩昊天罔極猝遭大故創鉅痛深惟 承統者當以縣作 聖志朕孺慕私忱雖切亦何敢有踰舊章不得已勉從 皇考大行皇帝亦持服百日俱因臣工等籲請再 《首光》 祉 皇 宗廟祀典朝儀一)癸巳諭古稱三年之喪達乎天子持三 |祖高宗純皇帝係持服百日嘉慶四 則係不經用之字缺筆亦易等因)前乾隆四十一年十 切服色著王大臣等均

請避爲甯字得旨旣知臨文不諱何用瑣瑣仍遵前旨攺寫 書示以康甯 刻書籍俱無庸追攺尋肅親王永錫等奏臨文不諱 上一字著缺一點下 **欽此今朕當欽遵** 駐六工上汎○乙未恭奉 直隸南隄九工霸州淀河巡檢駐六工下汎南岸六工霸州州判 為嫌而臣子之心究多惶悚謹按康熙字典甯字註乃定切引漢 以橋道穩固加方受疇太子太保餘升賞有差〇乙巳 帝梓宫至京師奉安於乾淸宮 撒又奏前代避諱原有改用音相近者批不可為法○甲午移 几筵前行啓奠禮自是日詣 語典 成命將御名上一字教改至臣下循例敬避 一字將心字段寫 御名下 大行皇帝梓宫遣京師先一日 字音義相通嗣後文移奏牘恭 上居上貴房苫次自是日至壬 蘆殿朝夕哭真盡哀○ 盘 一撇其奉旨以前所 聖主不以 一大行皇 ラマ

語 問 戊毎日親詣 |皇考大行皇帝妃嬪承侍宮闈恪恭淑慎均宜加崇位號以麦尊 封為 金黄色○戊申 蓮尊封為 九卿等奏擬上 **和高宗純皇帝嬪御存者惟** 恩貴人晉封為 主員系 一瑞親王惠郡王釋服後仍著戴用紅絨結頂朝服蟒袍俱用 誠貴妃侍奉 如如誕育惠郡王尊封為 安〇丙午 安頻所有應行事宜著各該衙門察例**具奏○** 晉妃所有應行事宜著該衙門察例具奏() 。筵前奠獻三次奉 上詣 恩嬪 皇考最八年齒亦尊謹尊封爲 大行皇帝 大行皇帝几筵前行周月祭禮 榮貴八晉封為 大行皇帝几筵前行殷奠禮() 廟號 如貴妃 晉貴人一 皇太后居引德殿毎日親 尊諡日 一人宜崇位號以申敬 信嬪晉封為 **外嬪** 受天典運動 安常在晉 誠禧皇貴)諭 信姓 前

化綏猷崇文經武孝恭勤儉端敏英哲睿皇帝天下萬世稱 詣弘德殿 貨兩廣等處著爲令○庚戌 心講貫深資啓沃宜加崇秩以獎前勞著晉贈禮部尚書衡加 諭朕長兄大阿哥早年殤逝朕兄弟僅有五人慘懷同氣著追封 以明年爲道光元年加恩中外罪非常赦所不原者咸赦除之 越南緬甸等國〇准發遣吉林黑龍江人犯分別改發新疆及雲 功實相符合深協朕懷 宗睿皇帝奏入 一應行典禮著宗人府會同禮部內務府酌議具奏尋封 地)前朕沖齡就傅時原任侍耶萬承風在上書房授讀 太廟 皇太后前行禮畢出 ジナ 社稷是日詣 一日廷臣所擬詳慎公允於 通 上即皇帝位於太和殿遣官告祭 大行皇帝造詔於朝鮮琉球暹羅 大行皇帝梓宮前行祭告禮 御殿行禮免宣表頒詔天下 皇考聖德

體會試以示朕眷懷舊學主意琴奏予祭一次諡文恪○ 東華膚除 伽遭 府屬修埽借用庫銀 劉鐶之霽沖阿孫玉庭蔣攸銛太子少保○辛亥詔停本年秋決 追諡該衙門察例具奏其子監生萬方熙並著貫給舉人准其 備宮中時関朕恭讀之下末有 誾之中哀慟迫切未經看出錯誤之處朕亦不能辭咎但思軍機 九月己未尊 大臣多年承盲所擬自不至有誤及昨內閣綫呈)是月賑河南許州地震災貨盛京彰武臺邊門等處被淹兵丁 年錢糧並給修屋費貸巨流河等處一月口糧緩徵江南徐州 皇
直錄
跪讀
始知 **皇考大行皇帝大故彼時軍機大臣敬擬** 大行皇帝陵日 皇祖於康熙辛卯八月十三日子時 皇祖降生避暑山莊之語因詩 昌陵〇)庚申諭七月二十五日 遺詔朕在諒 遺部副本以)加黄鉞

第六卷 均元俱巳年老無庸在軍機處行走並不必恭理喪儀與盧蔭溥 紀詩註恭載 向皆英和黃鉞傳旨介軍機大臣明白囘奏據稱恭查 旭 帝御製詩初集第十四卷 **冒山莊為都福之庭並無** 御製詩集八經頒行天下不得該為未讀實屬巧辨除托律戴 實錄未經恭閱不能深悉等語朕敬釋 和宮者三見集中因命大學士曹振鏞協辦大學士尚書伯麟 意茲據軍機大臣等稱 併交部嚴加議處盧陰溥文學年力尙强與托肆戴均三 萬萬壽節率王公大臣等行慶賀禮恭紀詩註相同至 雍和宮邸復徧閱 高宗統皇帝以辛卯晟誕生於山莊都福之庭又 **萬萬壽節率王公大臣行慶賀禮恭** 誕降山莊之句當日擬註臣工誤會 皇祖御製詩集凡言 實錄未經恭閱尙屬有辭至 皇考詩內語意係泛 降生於

層特比蘇削奇串通薩木薩克之子張格爾滋事賊眾約有三 帶兵未能籌畫 機大臣等據斌靜等奏圖舒克塔什卡倫外之 **諭知之尋降托津戴均元四級盧蔭溥文孚五級均留任**(徵信豈容稍有舛錯不得不將原委明白宣示中外著將此旨 爾羌官兵三百名烏什官兵三百名伊犁豫派兵二千名俟官兵 捕殺賊五十餘名生擒賊八十餘名賊即紛紛逃竄出卡見調葉 將備兵丁星 到來即帶兵進 去其星 、業將圖舒克塔什卡倫官兵殺傷並將伊斯里克卡倫馬 班次在前者有閒仍留軍機大臣 報公文馬兵 一夜兼程馳赴該處將為首滋專賊匪奮 . 斯等語此事恐斌靜不能辦理召 一全局調度得宜著處祥接奉此旨即 《道光 一名被賊匪殺害色普徵額帶同官兵追 遺韶布告天 沖巴噶什愛曼 一普徵額亦僅 日選派得 論 軍

諭
令
知
之
〇 部尚書並桑為兵部尚書盧陰博為工 **起撐是否係內地官兵因事燉變並著慶祥到彼後詳細察訪 嗣和桂爲倉場侍郎善慶爲禮部左侍郎文孚爲工部右** 黄鉞英和在軍機大臣上 **有燉變情事據實** 邱書敏為禮部右侍郎以潤德為盛京兵部侍郎紬妓 於領隊大臣內擇一老成曉事者令其暫行代辦將此由六百 惶懼別滋事端是為至要再此次蘇蘭奇等滋事究因 戸部左侍郎調廉善為戸部右侍郎那淸安為刑部左)命恭纂 3多奏勿得稍有贍徇其伊犂將軍事務著慶祥 一辦其餘脅從之犯不可株連妄加殺戮致令 - 吳璥督理河南儀封河丁 大行皇帝質錄〇命大學士曹振鏞尚書 |行走〇王戌以那彦成為理藩院尙 一部尚書黃鐵為戸部尚 一調劉鐶之 |侍耶轉 如 何

敷公用至府廟州縣養廉止此定額而差務之費捐攤之款日益 萬兩增培南河隄岸代販〇甲子 加增往往有全行坐扣隊八毫無者雖在潔清自好之更一經歷 皇太后居後殿 帝梓宮於觀德殿 侍即以吳烜為禮部右侍即謝翰林院侍 肖者則以爲少取多取均干吏議轉恣意徵求除辦公之外悉以 州縣藉以為辦公之資迄今將届百年督撫司道俸廉較厚者倘 肥其私橐上司心知通省官吏莫不皆然豈能槩行糾劾遂陽禁 任公事叢集難爲無米之炊勢不得不取給陋規以資挹注而 東華演隊 | 廷珍為禮部尚書顧德慶為左都御史調湯金釗為吏部左)諭直省大小官員自雍正年閒議設養康由督撫以至 《首化》 上居示思殿苫次毎日問 上哀號騷戀不忍暫離毎日親臨奠獻 上箱 · 癸亥奉移 大行皇帝几差前行 安)撥銀五十餘

常上司可藉以恐嚇屬員小民可藉以控告長吏何如明定章程 朕思國家立制必循名責實始能奉行無弊直省相沿圈規如拚 貸庶廉吏得以措施貪人無從影射此係朕恤更之心正所以愛 將所屬恆規逐一清查應存者存應革者革勿博寬厚之名勿爲 立以限制使無所藉口乎惟各省情形不同著該督撫督率藩司 官司之朘削民生因敝職此之由與其私以取之何如明以與之 邑無者有彼邑可裁而此邑斷不能裁者與其號爲禁草巧取如 賠累為詞於此外多取於民者一經發覺即行從重治罪不稍寬 谿刻之舉務各秉公詳議期於外違可行或以此之有餘補彼之 車行戸火耗平餘雜稅存賸鹽當規禮其名不一 而陰縱之於是箕斂溢取之風日甚一 不足伸府廳州縣足敷辦公而止奏定之後通行飭敵如再有以 一日而閬閻之蓋藏緊耗於 有此邑有而彼

斌 靜等奏遊犯蘇蘭奇等聚眾滋事前經色普徵額馭斃並生擒 民之意名實不淆更治情而民生自厚矣○ 釋服後即當給頭品頂帶雙眼花翎〇 出之子年及晟時封以未入八分公惇親王之子奕纘雖未及晟 **係伊嫡出之于著加恩將奕纘封為未入八分公本月十六日** 爾於本年五月內曾向霍罕伯克愛瑪爾借兵來搶喀什噶爾 來故事將圖舒克塔什卡倫城池燒毀戕害副護軍參領音德布 兵進山追 1餘名餘眾二百餘名巳寫出卡外見在所調葉爾羌頭起官兵 静留守城池色普徵額管帶葉爾羌官兵及索倫錫伯伯克回 百五十名已到派員管帶星馳赴營其一 糾 同蘇蘭奇並圖爾第邁莫特之子胡則會集三百餘人 ?捕並訊據活賊安集延回子邁理特里提普供稱張 道光)諭軍機大臣等本日據城 一起官兵)前向例和碩親王 百五十名 伊

據喀什噶爾城池其中必有起燉根由薩木薩克之事傳聞異詞 張格爾是否果係薩木薩克之子虛實未定圖爾第邁莫特前因 機別捕惟是蘇蘭奇係布嚕特比因何遽爾生心謀爲不軌欲 **靖邊圉勉之其守卡副護軍参領音德布及滿兵伯克等查** 孜牙墩謀逆案內凌遲處死其子胡則數年來逃往何處此次帶 有挫失殊於國體攸關慶祥 前調葉爾羌官兵三百名原為駠賊今僅令一半隨同召普徵額 兵前來其意可知慶祥到彼均逐細察訪明確據實速奏至祓靜 守看來城靜竟係惟怯無能 都爾濟亦被戕害等語慶祥接奉前旨自巳帶兵星馳前往相 協兵 十三 名餘 丁 追捕以一半留守城池城池固係緊要但本城自有官兵防 一名玉斯圖阿爾圖什六品阿奇木伯克阿 留以自備設色普徵額兵力單弱致 到當鼓勵將弁兵丁迅埽賊氛以

時曾經出力博碩頻並曾賞給三 . 瓦勒之孫博碩輝之子阿瓦勒在乾隆三十年平定烏什飯 軌亦境太不自量 元妃鈕祜祿氏應追封為皇后所有應行典禮該衙門察例 久何以此次忽萌異心且僅有眾三百人遽思搶掠城地謀為 | 辦矣斌靜原奏內稱係蘇蘭奇串通張格爾滋事蘇蘭奇係 多奏不可稍有隱飾 丙寅諭軍機大臣等據慶祥奏喀什噶爾卡倫 賣 供詞如內地官兵有激變情事或有起釁之由即行 **招此事前據斌靜奏到巳兩次降旨諭令廢祥** 首とこ 一恐斌靜前奏尚多不實不盡 前來告求助剿其情是眞是僞亦不 又前奏稱有西布察克愛曼布噜特)起松筠為左副都御 一品卻頂蘇蘭奇襲職受封安居 外布噜特粒 D

後皇子之哈哈珠色行走五年期滿遇有揀選藍翎侍衞 殺戮以安眾心而靖邊圉是為至要○ 挑此次挑選侍衞惇親王瑞親王皇長子之哈哈珠色八人內准 使強良為河南按察使陳廷桂為陝西按察使抽測 不敷辦公為詞朕無恤黎元豈能置之不問然不戒視成建繩 挑送四 徐炘爲山東布政使○ 不防慶祥到彼後察看大局相機安辨摘緝賊首解散 外省地方官 H 人至皇孫之哈哈珠色四人內准挑送二人著為令人 親臨奠獻奉 詣 4 大行皇帝几筵前行大祭禮)調童槐爲湖北按察使琦善爲山東按察 皇太后居景仁宮毎日問 斂民財日甚 調岳齡安爲陝西布政使 一日而縋以俸廉 上居咸福宮苫次白 丁卯諭 論狀 准其送

箕剱取鸁於民也凡議存之項必當酌盈劑虛上無傷乎國體 此朕愛民之心不能不兼以恤吏也然立法伊始尤當 督撫將所屬陋 悉協乎與情祗期該地方官足敷辦公而止於平日尷收溢取 撫藩司悉心查覈就各府州縣情形通盤轉畫須知朕此次降旨 然與其私以取之 〈議之意原因愛惜民力爲誾閻多留蓋藏非爲不肖有司頭會 有所減無所增方為允協國家取民之道 該地方官視此爲分內應得之項復於此外設法巧取更或 五百月年 一不愼其後必滋流弊各省地方情形不同其所取陋規亦 而地方官毎晟辦公之費又視乎其缺之繁簡總在 之款因其相沿已外名為例禁其實無人不取無地 規逐 何如明以與之且示以限制使此後不敢加 清査應存者存應革 者革期於 絲 栗皆有常制 計及萬全

受國重 **朕意大相逕庭朕非姑息之主必當執法懲治不稍寬貸各督撫** 文無補實政所較甚是至與修督田水利雍正年聞於近京設局 汎把總爲千總移把總歸三江營管轄揚州營駐防外委駐馬家 恩科於道光元年舉行鄉試二年舉行會試〇王申改江南邵 奉旨准取陋規因之竭民脂膏益無顧忌該督撫不加查察則與 橋添設馬家橋北壩汎外委二水北汎額外外委一〇癸酉諭軍 義及與修水利營田二事輪班籍進經史講義行之日八徒成具 查妥議具奏○庚午 生日做更治日偷皆漠然不 機大臣會同翰林院戸部下 万爲不到委任愼勿苟且蹇責或畏難推諉 寄當為百姓計及人長使官吏共飭康隅小民永免敗削 一道 上始御西廠幄次引見官員〇 一部議覆御史陳鸠條奏權進經史講 一動念其各仰體朕意力矢公忠詳 聽掩耳盗鈴於民)韶開鄉(

民重食至意〇 諭農民次第與舉需之歳月以觀其成不可視為具文用副朕惠 强姦已成致斃 使水田歲有增墾收穫漸多則小民必樂於從事其山東山西 **唆惜恣意妄為大干法紀若從末减則齊民犯此者又將何以治** 裕興强姦使 南並著該督撫各就境內 且當國服未除親喪未滿之日而裕與輒動於惡不忠不孝罪 理 何淀水勢做照雍正年閒成規設法經理並多方動導 之利實於民生有裨所有直隸境內著方受轉飭委妥 女寅格自縊身死一 即閒值水旱可資粒禦若能於北省多關水田兼收)丁丑諭軍機大臣會同宗人 、命罪犯至重裕與身係宗室襲爵親王 田為足食之 體舒置其可以經理水田之處各 一条國家法令王公與庶民所 满洫之利尤 八府刑部審擬豫親

雎州等七州鶌縣水災並給睢州等四州縣 命督撫切贯奏保文武員弁○ **襲豫親王著交宗入府照例辦理○戊寅** 孰大焉朕不得巳不能不執法懲治著照永錫等所擬裕興即革 皇帝几筵前行再周月祭禮〇追封長公主爲端憫固倫公主公 壽雹災耔種蠲緩河南雎州等九州縣新舊額賦有差 去王爵交宗入府折圈空室三年期滿釋放餘俱照擬完結其承 可嘉著賞給太子少保街並賞戴雙眼花翎〇是月加賑河南)王午諭提督楊遇春屢者勞續忠 上詣觀德殿 月口糧貨陜西

按年更換報可 三庫 御史稽查恐事無專責請三庫仍派滿漢科道各一 向 動 由江南道 申朔裁各省 各派御史 ▼ 道光二 婚葬祭祀)裁稽查軍機處御史() 事悉照會典規條刊 [御史輸往稽查嘉<u></u>] 偕越其有關於風俗人心者甚大亟宜嚴 益 並著 員眼同收放部讓准行今若栽撤仍歸 軍機大臣會同都察院議奏尋議官 士庶各 丁亥諭 丙戌詢稽查三庫御 臣 臣 周嗣 定規制若以 五年御史柏清 近日風氣競 蕃恭校 道光

勒縣熱孫鎮國將軍載銳襲貝勒○ 為工部尚書以普恭為禮部尚書松筠為左都御史軸蛀醫 辦理部務恐精神不能周到或致因公獲各轉非保全之道伊一 感也○戊子調英和為戸部尚書那彦成為更部尚書穆克登觀 等處被水額賦〇 以和世泰為理藩院尚書舳槐管兩務 八俱受 1內尙書景安蘇楞額並無過失因念伊二人俱年近 |革吏部右侍耶周系英來京以四品京堂候補(何南儀封工需〇申禁河務積弊〇辛卯鑄道光錢() 工裕與弟裕全襲的 前朕教本務實至意(皇考深思倬得依侍 |丙申實授機昌廣西布政使())庚子移四川成緜龍茂道駐成都兼 前本日降旨派出守護 橋山藉伸忱悃想伊等自必知 庚寅再撥部庫銀六十萬兩)己丑以故道封郡王)丁酉以巳華豫 免齊齊哈爾 八旬若介 吱

律合務 更有 1 在 亦不必隨 無得 能解 持其大網則政情 年後 事 分別賢能 謙 狼 **省部** 何益 臣六部議覆 眾 抑過當反失朕心(內廷宴賽均無庸 **·諭儀親王成親王**)甲辰恭 鎭坍 叩拜遇有賞賜物件具指謝! 中多立: 納斯皆由於 而公罪繁多賢吏或因此廢黜 没 **『劣舉錯』** 牧 科 整飭部務條陳 馬 而易理外省 條 地 此嘉慶 州 公明自收得 行 賦)攻雲 係朕之 縣 一帝尊諡 無日不奉 拜至坤寍宫 庶務原皆責成於 南 鷹越 八年 百年齒 音 招所議甚 忆 行具文 不必當 曾 廟號翌日 賜食祭 敷 御

|| 案及正項錢糧停升外餘皆不黑推升至題關要缺則 | 殿其承緝處分則多諱盜而縱惡養姦轉貽大患故曰徒法不能 以五日而畢堂官不能毎日全行進署若有緊要事件禁止 無論題奏咨行皆當細心確覈固不當遲延積壓亦斷不能各 以自行著吏兵二部各將處分則例悉心確聚於各條下皆註 · 桌商勢必坐待以致延誤除弊之道殊不在此() **處分皆無庸計算各纂成例冊呈覽至六部事務禁禁** 各部煩苛無當處分例文互商裁汰務歸簡明其公罪處分除盗 公罪私罪字撔其公罪有至降調革職非事關重大者酌攺從寬 之官益多巧避嚴其經徵處分則多墊欠而那新掩舊即成虧空 部删减例條該部未能質力遵行又 諭 題調要缺不計因) 戊申 事質商

員子弟設有囘避之例殊可不必防弊之道初不在此如大臣子 試分別去取帶領引見其記名者挨次傳補立法至為允當惟· **弟有挑入軍機處者藉以學習教政未嘗不可造就人材嗣後保** 內閣六部理藩院保送引見嗣後將保送人員先令軍機大臣考 處滿漢章京皆由軍機大臣於內閣等衙門傳取嘉慶四年攺由 **送軍機章京著無庸囘避大員子弟其軍機章京有升通政司副** 江蕭山等三十三縣貧民口糧並修屋費 使大理寺少卿及補授科道者即囘本衙門行走著仍照舊例行 取時實錄 是月賬江南海州安徽泗州等八州縣及市衛水災旱災給浙 月甲寅朔諭軍機大臣等軍機大臣會同兵部議覆裁城名 仁宗睿皇帝几筵前行三周月祭禮〇 **摺國家為民般兵民出賦稅以養兵兵任操防以衞民** で、首化二)庚戌詢從前軍機

實兵計增兵六萬餘名其數較多歷今三十餘年帑項多用至四 裁減乾隆四十六年添酸武職養康案內將從前虛缺名糧獎募 裁诚不必留冗兵以糜饷亦不可因節費而裁有用之兵各悉心 其事相權而行我朝百數十年以來具有常制而兵額厯有增添 僻邊腹情形不一 **毎** 嚴經費視乾隆年閒所添者節減四分之 **處著交該督撫詳察地方情形無論差操各兵凡在可省者酌加** 一餘萬嘉慶十九年曾 **丁餘萬據所請汰歸所極之半亦僅百分之** 閒未添名糧原額其是否可行原難懸揣然各省見在額兵六 萬五千四百餘名又攺馬戰兵為步守兵一千二百餘名 事閱數十年亦復今昔異宜此時若悉復乾隆)丙辰 敷下各省酌加裁城維時山西等省共 上詣觀德殿 仁宗客皇帝几筵前后 一此因各省險夷衝 一豈無可以抽裁

ラー・スリント

解玉頁折價銀 來京以魏元煜爲江蘇巡撫曲順東市 庚申召趙文鴻來京以陶澍爲山西按察使軸拠 皇太后居 **州與義府歸化廳屬土外委土守備○** 按察使問福建臺 ⟨播恭辰爲廣西按察使黜護瀬○辛酉免兩准節年) 前武科規制於馬步射之外試以開弓舞刀掇石以 仁宗睿皇帝几筵前行冬至大祭禮〇 首化二 壽康宮問 百六十餘萬兩並展緩積欠各款〇 免直隸玉田等三)壬申賜昌伊蘇等三)己巳以程祖洛為湖南布政使葉世)以汪如淵為廣東布政使曲 順天 安視膳自是以爲常〇)召李堯棟來京以左 十七人武進士)戊辰召陳桂 宮地飲銀 | | | | | 之 丑

那情安為工部右侍郎那彥寶為刑部左侍郎以常英為理藩院 餘先用為左都御史又任以熱河都統量能授職自有權衡 称奏松筠宜仍置左右 乙應童武者俱仍試以舞刀至五年鄉武六年會試均已嫻熟 石侍郎由太常寺 神統選() 停止今思技勇内既向有舞刀 老試以復舊制〇 亦不迫以時日著自道光三年為始凡備洲蒙古漢軍漢 勇由來已外嗣於嘉慶十八年議令滿洲蒙古旗人與漢 體應試滿洲蒙古舊例止試馬步射硬弓遂將舞刀事)甲戌以誠安為緣紅旗漢軍都統文孚為左都御史調 六部行走正途人)添建廣東三水縣蘆包汎卡撥前山營外委)癸酉以松筠為熱河都統誠安為左都御史 **指在뺑怪說已極朕擢松筠於降謪**? (員正俸(一項滿洲蒙古士子自應 丁丑谕侍講學士願 尳 耴

提督至總兵該大臣官員之弟兄子孫中如年巳及歲與侍衛拜 阿又安能得力理宜酌量變通嗣後在京之文職大臣自三品以 取侍衞拜唐阿當差原以侍衞拜唐阿係體面差使將大臣官員 自幼讀書 領引見儻若 比官員子弟之中亦有不同之處或係身體單弱馬上平常或因 上武職大臣自二品以上在外文職自總督至臬司武職自將軍 丁弟挑取則伊等熟習清誦騎射而官差冀可得人也自嘉慶二 阿差使相宜遇五年查辨之時情願挑者該大臣等仍照前兒 年查辨以來今巳將及五載又届應行查辦之時惟思該-前內外見任滿大臣官員之弟兄子孫越五年考覈 本旗由該旗造冊咨送軍機處鎮齊具奏經朕指名查取帶 **時不能學習騎射似此者即將伊等挑取侍衞拜唐** 身體單弱而有殘疾或騎射平常未便挑取者該大

墾荒種 等本日卓秉恬奏陳川陝楚老林情形據稱由陝西之略陽 方盜閘冝種包穀蕎豆燕麥徭糧極微客民給地主錢數串 東經寶雞等縣至湖北之鄖西中閒高山深谷統謂之南 湖北之竹山等縣中閒高山深谷總謂之巴山老林老林之 由陝西之 井鐵廠紙廠煤廠備| 命雎州等六廳州縣加設粥 清數領江廣黔楚川陝之無業者僑寓其中以數 地架屋敷椽即可棲身謂之棚民種地之外多資木箱 甯羌。豉城東經四川之南江等縣陝西之紫陽等縣 加量才器 一為生惟. 麻煮販兩月(聚旣多則良莠莫辨不安本 二二奸民倡之以 寅以河南儀封 **壬辰諭軍機** 便該旗亦

置老林之策當合三省共議於扼要之地專設大員控制如福建 曾城甚遠若三省大東往返咨商州縣奉飭恒在數月以後故 同定議具奏(如何彈壓無殺之處著蔣攸銛朱勳觨齿確勘情形悉心養黃會 **小分轄其地而地界既分官易推該查鄖陽地方明季曾設撫治** 五六百里遇有事必數日始至其處糾結者旣難以輕動遠風者 **大員嗣經裁撤見經生齒日繁若不炎爲措置必致日人生事等** 。老林險隘褲民聚散無定雖脥安道川東道安賽郥荆道未當 室灣廣東之雷瓊湖南之鳳凰永級等廳皆有道員駐紮其地 、爲名蟻附蜂起無所畏忌山內州縣大者周圍一 河追捕且省各有界敗或踰境而免官難越境而謀各處距)癸巳加上 ◎道光二 孝敬憲皇后 孝聖帝皇后 二千里小亦

莫不取給恆規日益加增不若延諭젉撫藩司逐一 察情形詳議具奏諭旨甫下即據湯金釗陳官俊汪廷珍先後陳 奏皆以此事為不可行曾再降明諭以朕意本以愛民不能不兼 梓宮囘京心緒瞀亂叉値初親政事於天下更治民生情性未悉 河囘京時召見英和詢以政治據奏各省府州縣養康不敷辦公 恤吏務當計及萬全不可重滋流弊朕心巳悟此舉之非矣嗣 英和人本明白性復敢言聽其言似為近理因降旨令各督撫體 存應革定以限制彼時朕在諒陰之中甫奉 **、鸭來京首先詢及即奏稱格礙難行昨蔣攸銛入對更力陳** 不能不藉地方舊有之出息以充辦公之需然未聞准其 (據孫玉庭等奏稱直省陋規本干例禁方今府廳) 孝儀純皇后尊諡○ 皇考仁宗睿皇帝 查明分別應

惟在各大吏正己率屬獎廉黜貪如有苛取病民之事立加黜革 係為公起見但於外省情形未能周知以致冒昧建言朕於科道 釐正斯吏 冶澂清民生日臻饒裕矣 王英和此奏雖誤然其心究 **抑且有傷於國體幸而內外臣工知其不可尙肯據實駁正若皆 椒默不言聽其舛誤其失可勝言乎朕非飾非交過之主今旣凋** 近地恐不足以服眾心英和著無庸在軍機大臣上行走其餘 其弊則遷善改過猶恐不及著即明白宣示各督撫停止查辨 陳之事有室礙難行者尚不加 失政體清查陋規後來之獲益未覩而目前之紛擾已甚興情 協國體攸關等語所言尤為剴切詳明此事不但無益於民牛 垂為今甲者且為官吏制用而查 , 廷大臣以言為戒轉非 胀虛 衷延訪之 医 道光二 以譴責此時若將英和遂 ħ 事批

通諭中外知之〇 切管項俱照舊供職英和非無天夏之人自必知感知奮也將此 取辦事認眞不避嫌怨朕擢英和於軍機者此也不料英和聽信 則朝令夕改莫知適從如是日漸月積相習成風雖有忠臣志士 邪言謂清查 質朕不慎不斂之故彼時何難三思博訪而後宣也然諸臣亦當 **亦必緘日結舌國政尚可問乎故清查陋規一事雖係英和建白** 見並無別故絕由朕審度不明幾致誤事朕斷不肯委過臣下 个善矣若不能辨別是非槩行聽納必致政出多門紀綢紊亂甚 **小肯文週遂非幸朝有諍臣連章人告使朕朐中黑白分明而又** 是思及爲君之難倍增乾惕世有剛愎自用拒諫矜己者固爲)丙申諭昨日明降諭旨停止凊查直省囮規矣 皇考特達深恩任事有年朕亦知其才力可

將此通諭中外知之〇詢山東運河事務仍歸河東河道總督兼 植為湖北按察使舶映西西安(添設吉林阿勒楚咯地方無品級筆帖式及委官各二員() 慶承來京調屠之申為直隸布政使以盧坤爲甘肅布政使鄧廷 河南儀封慢口合龍予吳璥議敘賞遏河東河道總督張文浩三 無傷於攻體朕不勝欣悅之至汪廷珍場金釗方受疇蔣攸銛陳 可謂公忠體國之大臣矣著交部從優議敍以爲竭忠盡職者勸 官俊俱著交部議敘孫玉庭具指陳辨尤為剴切通達直言無隱 古丁特へ 百見野り 傳察氏為 **妃如妃鈕祜禄氏為**)召吳邦慶來京起李鴻賓爲安徽巡撫郭門節總督〇)調嵩学爲山西布政使邱樹崇爲江西布政使() 晉妃 (首化二 仁宗智皇帝誠貴妃劉佳氏爲 如貴妃信嬪劉佳氏為)王寅尊桂 高宗純皇帝晉貴 信妃 誠禧皇)甲辰

繳銀二 端為湖北按 安常在蘇完尼瓜爾佳氏為 一
前
観
徳
殿 一百九十 察使以徐承恩爲甘肅按察使鄉道勝進一 承惠為湖北 - 餘萬兩() 一巡撫轉韓交綺爲刑部左 仁宗睿皇帝几筵前行晟暮大祭禮 烏雅氏為)召張映漢來京以陳若霖爲湖廣總 安嬪〇 投察使東 恩嬪榮貴人採氏為)免長蘆退商積欠攤補未 丙午尊封 之 已

東華嶺錄 《裔冀圖煽惑回眾蘇蘭奇胡則二犯預知遊情巴衣巴哈什蒙 | 諭知霍罕伯克愛瑪爾令其歇賊立功所辦皆是見在蒙達拉 前往布噜特各愛曼分投偵訪不洩機宜不動聲色務期必獲 拉克等倡先助选均應按名捕獲以 郎初彭龄禮部侍郎衡() **遊**匪並密陳回疆情形各 ☞於某處就擒被何^ 一春正月甲寅命明安泰以 鄭裕國為廣東按察使組織體 ▼ 道光三 丁巳輸軍機大臣等展群奏設法擒 | 揖張格爾旣實有其人 **企刑誅處辭密派安幹之** (四品京堂用调廉敬為 五五 臣周觸蕃恭校 丙長賞刑部 八糖名和卓 道光

女不忘危使各安居樂業該將軍有總統之責凡 見在 方瞪時有應調 奇胡則等 略什噶爾參赞大臣 六十餘年休 可壅於上 月支鹽菜銀五兩調 人若符其僨事貽患即立繩以 後處群仍細心查訪將勝住 þβ 大臣有由革職效 **落**令其逐 聞食劣者尤 養生息邊圉無事旗民 一叉勉刻刻留心 **剩者亦可遇** 提研訊務將此 一供吐 缺已簡任武隆阿其 不可稍為 「即跟蹤 起身緣由 設法 奥 回避 回護 法已不如早 新 鎮守邊體必先 都 富庶恬熙總 准 **擒捕新疆開闢** 統参替以 其即支食養 奏聞其新 張格

著稍投杭州織造其鹽務正雜各款及關稅數自著新任巡撫的 管其浙江歷政一飲仍改為杭州織造兼管南北新關稅務廣聚 **傲 吳不 熊不 隨時變通著縣所議將 浙省鹽務仍歸浙江巡撫兼** 議更强其所議嚴禁單規重斤科派供應等款並實力稱私各事 至是嵌上得旨托津等會議浙省鹽務改復舊制 浙長盛鹽政衙門裁歸督撫管理命大學士軍機大臣戸部會 邦鉾崩隊 **水** 城會同 质素 分別 交 代 清 楚 運 使 以 下 等 官 及 著的承嬴於履任後妥議具奏至長蘆鹽政立法巳 三未以 該督撫鹽政詳加體祭認真整頓務使積弊原 (文学為禮部尚書那清安署左都御史師) ₹ 首化二)先是御史陳鴻奏鹽政衙門需索規書請將一 田章程 應改復事 指浙省鹽法

巡撫陳桂生以三品京堂候補〇 丙寅命前任江甯布政使恒敬以 足王執尊達爾畢噶爾瑪薩野敕諭目昨據 THE PERSON 州易州本年額賦○癸酉命前任湖南巡撫李堯棟以三品京堂 補〇 **阮福晙請遣使進香表賀進方物詔止之〇** 一十名以步兵攺補〇 一宗睿皇帝升遐即率領部落人等哀叩成服並 | 甲戌嚴禁滥用非刑(爾解爾喀仰承 仁宗睿皇帝臨御一 一御紫光閣閥大員子弟騎射〇 シャメノニ 一叩拜焚香念經實屬至誠朕甚嘉焉朕違)王申以修治橋道免宛平等四縣及涿 殊恩至優至渥今聞 乙亥彗星出西方部兩河防護隄 一十五年撫殺寰區推廣 辛未裁陝甘綠營馬兵三千 三品京堂候補〇 **| 駐滅大臣轉奏補聞**)賜廓爾喀額爾德 庚午命前任江 進奏費金 超即率的

雲南永北處屬夷匪滋事命總督慶保舠之〇 察使以戴敦元為江西按察使船擴速為(璥以疾乞休允之○劉寶第以不勝任休致以楊國楨爲雲南按 康健專此晚諭並降詔書賞給熱尊達爾舉喝爾瑪薩野金花段 東華廚錄 錫斤攻派福建湖北辨解○ 火鐮荷包一 一月壬午朔日有食之○乙酉諭各直省修復社倉義倉○ 疋花段 例妥理夷務嚴質屬下和睦鄰封益加奮勉汞受朕思毋怠特 宗容皇帝大故雖孝思不匱時深哀慟仰賴 原敬為湖北市政使調誠端為江蘇按察使諸溥為湖南流) 松筠以新疆識略進 **箇嗣後熱剪達爾畢噶爾瑪薩野感戴世受** 疋八絲段一 戻 道光三 疋盒子 乙未温承惠以年力就衰降六部郎 御製序文 ○戊戌協辦大學士吳)王辰免山西額 ýp 解

城移龍川汎千總駐老隆汎並撥兵隸之〇 **張得幅等索詐等款各** 一城靜以參贊大臣鎮守邊疆年老昏慣行止 總督長齡太子少保〇辛丑以故怡親王載坊弟載垣 陵月牙城 通過 **六縣節年民借籽種** 御紫光問閱宗室馬步射挑選侍衞 格爾等滋事緣由及審擬回子伯克控告斌靜家 一亥以張映漢為 非由城靜激變見據眾伯克出具甘結 命孫玉庭協辨大學士 老隆汎外委一 **招張格爾糾刹蘇聯奇等茲** 口糧逋穀(刑部 分駐連平州河源縣龍川 侍郎順 ľ 酉詢慶祥奏遵 甲辰免江 東陸路提標 庚 事實因 向屬 俠

١

於東井宋世聚於奎皆紀為難逢之瑞第日月五星體天而下行 龍江效力贖罪色普徵領到任未外即帶兵在外其失察情尙 酒宿娼卑鄙無恥著枷號一 原業經華職已 : 承雍正乾隆嘉慶年閒天章屢耀仰承 一般象著明壁先七政史冊載高陽氏時五星聚於營室漢代聚 一月辛亥朔諭欽天監奏本年四月初 寅素朕嗣統以來兢兢業業猶恐弗及何敢矜言符瑞稍胜 初元復选嘉會敬惟事 即同明共貫亦派會逢其適可以推測而知我朝 以賢才爲資豐年爲瑞惟當夙夜孜孜與內外臣 〕足蔽辜著免其置護綏善身係職官結交奴僕飲 で首とこ 年満日發往伊犁效力贖罪 天之道遇敒則當思修省徵祚惟 犯業經正法外城靜著發往 日月合盛五星聯珠朕 具佑 景壓雞县茲

觀德殿 進以省跋涉之勞文幹等即檄諭該國王欽遵辦理○ 共圖上 供奠〇 無驱之庥仰副我 梓宮發引 於是者乎此事不必宣付史館用示朕崇寅黜浮至意○癸丑以 **炒有呈進汞頁著冷其統侯道光二年例買時一 豆極表質情詞懇切肖應准其恭進惟來年即係該國例頁之期** 丘等據玉麟等奏廓爾喀王懇請遣使朝貢 ↑毀麥田耔種銀○ [宗睿皇帝梓宮奉安 一理期於政通人和蔣海羣生咸登康阜以丕揚我 那 1宗睿皇帝几筵前行祖奠禮(上臨故慶信親王永璘殯所賜英〇己未 皇考付託之重斯願克遂其爲休應孰有大)甲寅淸明節 皇太后恭送 山陖再免經過地方本年旗租並給 上請 昌陵啓鑾〇 显表 仁宗蓉皇帝几筵前 指 庫 爾 喀 王 請 進 同恭齊來京呈)王戌諭軍機大 仁宗春皇帝 癸亥齡 列祖

因各處派調官兵未集自不便輕率進歉該督等續調官兵合計 致令遊蔓難圖至滇省每有軍務多得土練之力朕所深知該 則於從者自必問風解散首逆勢孤易於成擒斷不可遷延時 夷民勿使再有裹脅総須一鼓作氣痛加勦辦使賊匪震懾兵威 知會提督張鳳相度機宜 先後已有八千餘名更加以土練四千兵勢亦不爲不厚該督當 處夷匪情形 **亦有三四千人雖其中多有聚脅烏合之衆然賊數已爲不少先** 毋任昌濫其楚雄協將汋泰於夷匪偷渡過江不能先事防範本 司素來貧乏自應給予鹽菜口糧倬各踊雕從事惟當竅實辦理 東作前隊 。慶保奏驄抵大姚與提臣札商分別箣辦永北大姚兩 在已有七八千人其偷渡過江在大姚焚劫滋擾者 捐此案永北逆夷傅添貴等哄動恩夷假託妖言 道 光 三 一分路進動仍一 **5**. 面防護完善地方安撫

和仁莊慈懿光天佑聖容皇后(一概後效又據另片奏見巳購獲梅依者十並要犯沙季得著即 **革職治罪惟此時正在進駒著先行摘去頂帶令其帶兵駒** 有同謀倡逆之犯豕北大姚兩處共有首遊幾名附遊者曾 己巳以阿霖為直隸按察使趙懋州 州即岱廳屬六枝土把粮○ 隆恩殿恭奉 八究係因何起爱敢作不靖訊悉各供即行附報具奏 次為首之犯是否止係傅添貴及伊妻父陳添培抑 隆恩殿〇 體殿試()甲戌 冊實上 命成都將軍兜瑪善馳赴雲南幫辦軍)丙寅)乙丑賞故兵部右侍郎温汝适 回變 仁宗衛皇帝梓宮至 孝淑端

亥以奉 年災民倉穀口糧 一思有差(**望**人在朕愧今而後若能效法孫玉庭之 **懷見於言表且年巳七旬精力未覺稍衰朕甚嘉幸凡南省諸** 撫魏元煜奏謝恩廕得旨今歳孫玉庭入覲經朕連 孝淑容皇后升耐太屬() 丙戌常零祀 月壬午安奉 证城夷辨理以期官飭民安戏君臣共享昇平之福且汝之)是月貸山西岢嵐等十州縣甘肅狄道等五州縣上 宗睿皇帝配 图 首化三 天於 仁宗睿皇帝 皇太后還京師(圆丘松率 **己卯以升**船 天禮成頒詔天 孝淑睿皇后御容於 居官任事始終如 〈下覃思有差○ 宗睿皇帝配享 太廟體成頒紹天下 日召見獨)江蘇

為欽差 侍郎以成書為兵部左侍郎始獻號寺 特授呢瑪普為欽差大臣總辦軍務茲據慶保奏大姚一 按名擒獲旬日之內即可將賊巢投洗淨盡其芝蔴莊一 香見巳麥報起程途次接奉此旨毋庸前往上 □用民田額賦○質 「

汞北大姚夷匪滋事已閥三月

別辦尚無端豬遊夷裹務日」 **深等即日將大姚餘匪腳盡即會合兵練齊** 分路進勦大獲勝仗將首逆陳添培並緊要賊目刀周等日 不受朕恩又何患不爲名臣矣須加愼勉○ 張風督率將弁分投攻舠生擒活戰多名並將賊寨燒毀此 臣督辦雲南豕北軍務〇 路首滋瞎眼唐老大等屯聚公母一寨貨喝抗拒 授那清安左都御史調阿克當阿爲工部右)除直隸宛平縣屬建蓋行宮 ○癸巳諭軍機大臣等前 大姚著取路徑赴汞 赴汞北進咖啶瑪 路夷匪 路夷匪 兜瑪 善 眾

軍削會 軍即在彼駐紮查辦亞呢瑪善所奏指調賞 舉管帶前往協勦如可不需即無庸飭調該將軍酌籌妥辦統俟 攻勦公母寨賊匪諒已足敷勦辦非所調貴州兵五千名見已降 先後奏調官兵一萬餘名土練五千餘名刻下均會集永北以 上二 岩石文化 務全竣再奏明同成都本任可也〇大学士三等侯明亮以疾 命在家食体へ 一咒瑪善到彼察看情形如兵力實行不敷無庸先行具奏 知會羅思舉將貴西兵或調派干餘名或數百名令羅思 把總一 有搜剿餘馬安撫難民各事宜並前旨飭查之件該將 《保商籍辦理迅速蔵功若到彼後慶保等已將逆夷 1 1 增設山東曹州鎮管守備 西提鎮所屬遊擊 州營精兵 都 館源

北

軍營彼

時慶保如尚未將公母一

寒大股賊眾悉數殲

除

該將

桃 **貨幣干縣** 紅花埠汎干總外委各 **反魔保等奏聊洗大姚拉古賊巢全境肅消泳北首遊瞎眼唐** 兼轄添設曹 外外委四隸 (就擒 聲補選鉅 總額外外委各四單縣營參將守備干總把總各 源營守備外委額外外委各 四干餘斤嘉慶十七年因造辦處所貯之玉甚屬豐足減額毎 **| 東考試差例○** 三把總 到 野営把總 曹州鎮轄撥鉅野營所轄單縣汎弁兵歸新設之單 己諭昨據軍機處奏和閩葉爾羌毎晟照例應進 州劉家口汎干總外委各 一招前自平定新疆以後和閩葉爾羌毎歲採進 四沂州營把總二外委衛外外委各一 庚子恭建 一隸臺莊營轄○丙申復未經散館 一並領兵歸單縣營參將兼轄添設曹州 仁宗睿皇帝聖德神功碑 一隸曹中營轄添設兗州 郯城縣

東華精鋒 嚴覈約選俾就疏通著直省督撫各將試用佐雜人員詳加甄別 **脉採進** 其實在庸猥陋劣不堪造就者槩行沙汰則才能出眾之員自可 候選未入流入數過多請將直隸省暫停分發未入流一 例發往)職雖微亦為佐理民事而設與其兼容並包而聽其壅塞何 月乙卯內閣學士朱士彥以疾免〇丁巳諭吏部奏查明在部 往實於仕風有礙其直隸奏請停止分發亦係不得已之調 爾羌辦事大臣等將此項毋嚴應進貢玉暫行停採○ 不徵其源而塞其流止可行之於暫而不能行之 不繼因而作奸犯科之事比比皆然若不量為變通仍令接踵 大高殿祈雨〇 千斤今查造辦處所貯之玉尙多足以敷用著交和闡 **招各省試用佐雜人數過多補缺無期閒住會城族 下首光三**)三酉雨 於外夫佐雜 項仍照

及時自 候逃均可不虞冗滯豈不愈於穀稗糅雜陳陳相因乎其直隸未 粉海州等州縣展賬○ 體仁間大學士兼管兵部以長齡協辦大學士仍留陝甘總督 國 致此事竟成具交殊失拔帶 一務或數郡不舉) 癸亥詔停本年秋決 王阮福胶〇 項 長之士原以廣 仍著暫停分發〇戊午撥江南藩庫銀四十一 **招國家頒發明詔令府州縣衛保舉孝廉方正及薦** 分發賴往者亦不至受積壓之 己已諭御史許乃濟奏保舉孝廉方正請覈實 刷 **才此次著各直省督撫各飭所屬悉心採其**)己未增設盛京昌圖廳服磨一 人材獎收得賢之效乃比來外省視為)丙寅命廣西按察使潘恭辰冊封越 顧幽之義夫鄉奉里選古有 又或牽於情賄漫以 累行之數年將試 五萬六千 兩

言矜慎率以無人可舉為辭若以爲亂真所舉不公則國有常罰 其行誼幹略各於名冊 北郊大配翊衞官二十八員兵四百名 眾各督撫亦不肯出此也○以松筠為兵部倚書蝴繳函 **別辦理地方妥諡並大姚接獲餘匪究出緊要賊目各** 哈豐阿為兵部左侍郎調常英為兵部右侍郎以裕恩為理藩院 生計製難各懷怨恨首遊唐老大即唐貴科同逆目陳添培等以 一件即納證幕 魔純潔才猷傑出物望允孚可備國家任使者登諸鷹騰 土司所屬野夷因該土司目把將地土典賣與漢民耕種)癸酉詢呢瑪善等奏永北軍營節次拏獲首夥匪犯分)庚午調廉善為吏部左侍郎成書為戸部右侍郎轉 マ省と言 **王申夏至祭** 丙切實註明咨部引見以備錄用 地於 雍和宮翊衞官十五員 方澤恭奉 仁宗春皇 裁

· 學逐漢民為辭煽惑夷眾於本年正月起事焚搶村寨劫殺漢 秦囘浜途次接據稟報即馳往調兵督辦先將大姚 裹脅至七八千人渡江櫌及大姚分股恃險抗拒慶 嘉獎呢瑪善遵旨赴演比到軍營雖巳埽穴擒渠尙有零匪寬 給玉翎管 臻安謐慶保調度有方威功迅速著加恩賞加太子少保街並當 部議敘並賞 一谷該將軍不事貪功分派員弁入山投捕深合機宜著加恩交 淨盡擒獲賊目陳添培等其永北賊匪亦檄飭官兵攻破賊巢 由京囘任即馳赴軍營幫同辦理安撫事宜著加恩賞給玉 箇 黄 辮 大 荷 包 一 **遊唐老大及賊目逆夷數百餘名埽蕩賊氛兩處地方悉 筃玉搬指一箇黄辮大荷包! 給玉搬**指 對小荷包四箇其在事各員鎮道中有 **箇黃辮大荷包** 對小荷包四箇史致 對小荷包四箇以 保自黔省審 股夷匪勦

都可為城守營都司元城汎干總為中軍干總添設把總外委額 名鎮總兵官一 凡庄真涂 共三十缺つ 刀者應如何量加鼓勵之處分別開單具奏不可冒濫傷亡 八月辛巳召 口管遊擊守備各 日部照例卹賞所獲各犯除業經正法外餘著照所議分別簽遣 出力者 亚苦秉公保奏候朕施恩其餘文武員弁 口遊擊一 **額外外委二長垣縣都司外委額外外委各一故城縣鄭** 切事宜仍著會同妥協辦理永靖邊国 一移大名協副將為開州協副將添設東明縣都司外 康紹錦來京以張師,該為廣東巡撫調曹六與為安)以顧皋為內閣學士兼禮部侍郎銜軸黵 裁督標提標宣化廣平及天津水師各營遊擊 左營遊擊守備干總把總外委各 III EF THEK 千總把總外委各二額外外委四移大名協 額外外委三)添設直隸大

是其專責若如該將軍所奏單旗事件即令旗員辦理旗員於刑 徽布政使以 灣道 天省所屬州縣自乾隆四十四年經刑部議定凡遇旗民詞訟事 例案非所素習强使聽訟必難保其明允設武職 例開參豈能令武職各員俱赴文職衙門共理詞訟該將 災〇 《弊尤不可言至謂旗民 乙酉諭軍機大臣會同刑部議奏奉天省旗民事件請 **癸未添築山東韓莊閘** 州縣審理迄今四十餘年毫無窒礙原以州縣管理詞訟 易於玩視京城五營與外省綠營武職均與司坊州)以湖北當陽縣沮漳匯流處倡 **公張志緒爲四川布政使陳中孚** アドガシ **相所議是國家設官分職各有專司奉** 切處分與州縣 **| 朱姬閘南攔河大壩〇** 近 關帝陸部建石 川按祭使雖確 體查参若無 員任性 单 H1 飓

先受害康濟錄內所載捕蝗 天津山東近河近海地方螭擘萌生節令捕撲惟先應禁 丽率拏交該將軍指名參處以符定制() 行查拏刑訊殊干例禁著奉天府尹飭知各州! **行審理旗員** 按畝派夫胥吏復藉端索費踐踏禾苗則蝗孽未除而小民已 使問問不擾將蝗蝻接除淨盡以保禾稼而 例准其自行查拏外其餘尋常案犯均知會旗員拏解如仍 易著將康濟錄各發去 刑部右侍郎海齡為盛京刑部侍郎(不得干預惟該州縣於專常人犯並不移知族 同麟為盛京刑部侍郎岫此劃 縣旗民事件 一部交該府尹及該督 十宜設厰收買以錢米易蝗立法)袻本年順 康田功〇 、緊除緊要重案 天府屬直)戊子

米事類加賦八折收漕之議有十不可如經費尙須調劑或酌量 建布政使怒使運拔 費先去其太甚期於積弊以漸而除官民胥免於緊業經降旨尤 皇后殯宮前行冊諡禮 按察使清道是 (**重難返前降旨令有漕各督撫悉心籌議嗣據孫王庭等以幫費 兌運直達天庾誠爲盡善無如近年百弊叢生日甚** 行茲據該御史復力陳其不可著將原摺發交孫玉庭等閱 太和門命鄭親王島爾恭 銀貨 調琦善為山東布政使以徐炘為福建布政使羅含章為山東 一裁陋規不能盡革浮糜不能盡去議以八折收漕減半給 屬易於限制等語漕糧為國家正供果能顆粒無浮照額 ▼ 道) 癸巳諭軍機大臣等御史王家相奏收漕 光三 主辰以冊諡 。調孫爾準爲廣東布政使以琦善爲 阿順承郡王倫柱恭齎冊寶詣 孝穆皇后禮成頒詔 日幾於積 孝穆

清漕不加賦爲名是皆可作紙上空談而非爲政以實之道該督 抵通方為萬全無弊可以行之外遠若但博不浮收之名而聆誤 奏本日復據侍郎湯金釗奏稱收漕之弊非定以八折所能有 須熟籌善策旣不困民又不累丁使州縣無] 折之謙實有窒礙難行之 **暨各福晉服色等差**() 務情形大略相同其各悉心體察上為國計 等虛衷商搉深思妥議具奏儻彼此意見不同伊等孰有善策 漕或仍如從前掩耳盗鈴任聽加五加六莫為之限而外以收 、折收漕之議有十不可當經降旨交孫玉庭等會商妥議 行具指陳奏以憑採察〇 '處不妨奏明更正不可'闷 **丙申諭軍機大臣等昨據御史王家** 一李鴻賓帥承瀛則前出並未與議江 ご 未定 皇 孫 可藉 下為民生如果 口而漕運依限 一曾孫 護前議然必

朝廷空被加徵之 孫玉庭等閱看直省漕糧以浙江為最重孫玉庭等四 一种伊曾任 フ據猿奏運丁之疲乏屢輕籌給津貼無庸再職惟州 再系金 撫所屬州縣收漕兌漕情形其利弊背所洞悉究竟此事如 · 好船銀三百兩及見在嚴禁州縣收漕不得過八折之數亦屬 詳悉登覆熟語審計會同妥議具奏○丁酉論軍機大臣等前 理方能有益無弊該侍郎及御史王家相所言不可之處均 姚文田奏漕務法人弊生小民苦州縣之浮收州縣苦旗丁之 ·請靜議萬全善術等語當降旨介軍機大臣會同戸部議奏 「增給恐八折收漕雖有限制之名仍無限制之實使 「蘇學政知從前所言旗丁幫費於定額之外州 名於事毫無實濟等語者將馮金釗原奏發交 進光 **途需費浩繁勢必多索津貼恐所定津貼旗** 人係本省

|冰京以李鴻寶爲漕運總督孫爾準爲安徽巡撫姆廣源布 |累以肅漕政〇戊戌以齊布森爲左副都御史铀粃靆(**使釋服後自必相率效尤紛紛呈獻是以朕將從前貢目詳加披** 尚未能盡除浮糜茲朕在諒陰之中若不先行示諭定以限制 亥諭各省督撫鹽政織造關差向遇年節萬賽均有呈進方物: 及漕運總督倉場侍郎通飭所屬杜絕浮收勒折以清其源裁革 惟是行之有年不免踵事增華有加無巳雖 縣沿途衙門勒索旗丁一 規以過其流若有不肖州縣陽奉陰違立即參辦或運丁勒索 例應賣者准其呈進可倒者即行倒去嗣後應進方物之處俱 **華樹錄** 致累間間必任 而兼任人方能道 併從嚴究治務使官民族丁均免擾 皇考屢申飭諭 召成齡

樂章僅 進呈〇以程國仁為廣東布政使解補邸即〇 廳經悉駐舊衙坪增設司獄一大姚苴卻巡檢 代進其吉祥貢 部會議茲據奏 簡音長於行禮節儀未協請敬增四句當交大學士軍機大臣六 滴查聚至廣州將軍並無兼理關稅事務其毎年例貢著無庸 **駐猛連渡口○辛丑諭前據樂部等衙門奏時享** 香對越禮惟其節樂惟其和 一句乾隆六年 彝憲所垂至今遵守未便輕議更張等語所議甚是祀 四言八句茲恭值 。儘可缺而不貢斷不准將別項數 端若永行停止發去硃圄貢目仍各遇便繳 太廟時享樂章國初定制初奏開平之章四 高宗純皇帝親定樂章改開平為貽平定以 仁宗睿皇帝升祔奏迎 太廟時享樂章輕 庚子移雲南汞北 目加增或以他物 一撥楚雄協把總 神之樂字 太廟初奏

詩嗣後 典服制 純皇帝 時准 得宜何容更定科則豫防濫取惟法以久而滋弊而弊又相因 **駁有定額百姓任田納賦斷無不踊躍輸將者如果地方官辦理** 其旗丁勒索州縣紳矜包納漕糧者亦各執法嚴辦勿稍徇縱均 「遵循勿替所有請增]初奏樂章之處著無庸議 則欲杜其弊必先察致弊之由而嚴爲之計著通論有漕省 THE BEST PER 督撫破除情面力矢公忠州縣如有浮收勒折立即嚴參重懲 得借言 **个**離任丁憂 凡官員本身係屬庶出生母早故父令別妾撫養者病故 親加段定斟酌盡善數十年來依豕和聲 一件舊例未經載 | 載子為慈母斬衰三年註云所生母故父令別妾撫養 調劑輕改舊章至沿途儹運謹進成法毋許延誤仍責 7 KI 4 1 1 1 1 1 一十七箇月從之〇 入見當躰修則例似應增入以廣孝思)癸卯諭漕糧本惟正之 吏部奏査會 神 得悅 供

效力贖罪童槐向錢쬻面稟情形訊非誣捏惟蔣因培面阻 職狂謬挾私阻撓参奏革職輒敢刊刻稟呈詩句肆行傳播而 犯必懲使羣知儆惕以塞漏 官交部議處未免從輕著開復交部嚴加議處吳階於蔣因培私 無便民之實也將此通諭中外知之〇甲辰諭成書等奏審明蔣 其禀彙係由知府吳階送 山東兗沂各周調補州縣疑有私弊欲行稟阻經該撫錢臻以 **並無升斗之益諒天下臣民所共悉不可使上被加默之名而** 轉言蔣因培在官廳喧呶係聞自韓公麟顯有諱飾所請開復原 刻惡葉又與原稟語句多不相符尤爲狡詐蔣因培著發往軍臺 及倉場侍郎凡沿途抵通官役 刊詞傳播前後情節分別定擬一摺此案蔣因培因 尼朕清釐漕務其意本為恤民天庾

語著准其開復原官〇以琦善爲山東巡撫調程祖洛爲山東布 逃 栗 稟 既 不 斥 阻 又 不 揭 参 僅 送 泉 司 閱 看 收 存 原 葉 迫 至 主 東華續錄 政使降錢臻為湖南布政使 之時始行呈出殊屬乖謬著交部議處錢臻見巳另旨降補無庸 交部察議已革知縣韓公麟旣 訊無向童槐告稱蔣因培宣變之 一 道光三 士